

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԵԳՐՈՒԹՅՈՒՆԻՑ

1917 թ. փետրվարի 28— տեղի է ունենում Ռուսաստանի մեծ հեղափոխությունը:

1917 թ. մարտ— Թիֆլիս են ժամանում Ռուսաստանի ժամանակավոր կառավարության կողմից նշանակված «Անդրկովկասյան հատուկ կոմիտեի» անդամները. նախագահ՝ Խառյամով, անդամներ՝ Մ. Բարաշանյան, Չխենկելի, Ջաֆարով:

1917 թ. հոկտեմբեր— Գումարվում է Հայոց ազգային խորհրդաժողովը, որը ընտրում է Հայոց Ազգային Կենտրոնական կործուրդ: Վերջինիս առաջին գործը եղավ կազմակերպել հայկական զորաբանակ՝ զորավար Նազարբեկյանի հրամանատարությամբ:

1917 թ. հոկտեմբերի 25— Ձմեռային պալատը պաշարվում է, ձերբակալվում է Կերեկոսյան կողմից Պետերբուրգի շրջանի հրամանատար նշանակված զորավար Բագրատունին: Գիմարություն ցույց տայիս զոհվում է զինվորական նախարարի օգնական Իշխան Թումանյանը: Ձերբակալվում են նախարարները, իշխանությունը անցնում է բոլշևիկներին:

1917 թ. նոյեմբերի 15— Ստեղծվում է «Անդրկովկասյան կոմիսարիատը», նախագահ՝ Գեգեչկորի, ազգային կազմը՝ երկու ռուս, երեք վրացի, երեք հայ, երեք թաթար:

1917 թ. նոյեմբերի 21— Սկսվում են հաշտության բանակցություններ Թուրքիայի հետ:

1917 թ. դեկտեմբերի 5— Երզնկայում կնքվում է զինադադար:

1918 թ. հունվարի 1— Թուրքական կողմը պահանջում է բանակցություններ անկախ Անդրկովկասի հետ:

1918 թ. հունվարի 15— Կո-

միսարիատը հայտնում է, որ իր պատասխանը կտա երեք շաբաթ հետո:

1918 թ. հունվարի 30— Թուրքական բանակը իր մահմեդական բնակչության պաշտպանության համար, սկսում է արշավանքը: Անդրկովկասյան կոմիսարիատի զինվորական իշխանությունը միտումնավոր դանդաղեցնում է ցուցաբերում, վրացիները և թաթարները պակաս և ավելի շափով ծառայում են հակահայկական աշխարհը՝ ռազմաճակատին հակառակ նպատակներով: Կովկասյան ճակատի պաշտպանություն ողջ ծանրությունը ընկնում է Հայոց Ազգային կործուրդի և հայկական զորաբանակի ուսերին:

1918 թ. փետրվարի 16— Անդրկովկասի Սեյմը ընտրում է հաշտության բանակցությունների պատվիրակություն՝ Չխենկելիի ղեկավարությամբ:

1918 թ. փետրվարի 17— Անդրկովկասյան Սեյմի նախագահ Չխենկելին և կառավարության նախագահ Գեգեչկորին հաղորդում է աշխարհի բոլոր կառավարություններին, որ Անդրկովկասը հավանություն չի տալիս Բրեստ-Լիտովսկի բանակցություններին:

1918 թ. փետրվարի 23— ապրիլի 1— Հաշտության բանակցությունները Տրապիզոնում: Այդ ընթացքում Թուրքերը անդադար չարժանկում են առաջ շարժվել Կովկասյան ճակատի վրա:

1918 թ. մարտի 3— Կնքվում է Բրեստ-Լիտովսկի դադարը:

1918 թ. մարտի 23— Թուրքերը գրավում են Սարիղամիշը:

1918 թ. ապրիլի 1— Անդրկովկասյան Սեյմի որոշմամբ պատվիրակությունը վերա-

դանում է Թիֆլիս: Թուրք-անդրկովկասյան պատերազմը դաանում է անխուսափելի:

1918 թ. ապրիլի 2— Վրացիները Բաթումը հանձնում են գրեթե առանց կռվի: Թուրք-անդրկովկասյան պատերազմը վերածվում է Թուրք-հայկական պատերազմի:

1918 թ. ապրիլի 5, 6— Հայոց Ազգային կործուրդը Ալեքսանդրապոլում հրավիրում է խորհրդակցություն և որոշում շարունակել զիմադրությունը:

1918 թ. ապրիլի 9— Անդրկովկասը հայտարարվում է իր անջատումը Ռուսաստանից և հռչակում անկախություն:

1918 թ. ապրիլի 13— Գեգեչկորիի կառավարությունը վերջինս մինչ այդ ապրիլի 10-ին կարգադրում է Թոնելի Կարսը:

1918 թ. ապրիլի 15— Թուրքերը մտնում են Կարս:

1918 թ. մայիսի 11— Սկսվում են Բաթումի հաշտության բանակցությունները Թուրքիայի և Անդրկովկասի միջև՝ Կովկասի և Գաղստանի ներկայացուցիչների մասնակցությամբ:

1918 թ. մայիսի 15— Թուրքերը գրավում են Ալեքսանդրապոլը:

1918 թ. մայիսի 24—29-ը— Տեղի է ունենում Սարգարապատի ճակատամարտը:

1918 թ. մայիսի 25—29-ը— Տեղի է ունենում Ղարսի սայի ճակատամարտը:

1918 թ. մայիսի 26— Վրաստանը հռչակում է իր անկախությունը: Պատվիրակությունը (Շառունակաւրյունը՝ 4-րդ էջում)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԵԳՐՈՒԹՅՈՒՆԸ

(Սկիզբը՝ 1-ին էջում)

յունը վերադառնում է Քիֆլիս:
1918 թ. մայիսի 28— Ցերեկ վա ժամը 12-ին Հայոց Ազգային Խորհուրդը ընդունում է պատմական բանաձև և հանդես գալիս Հայաստանի անկախության հայտարարությամբ: Նույն օրը երեկոյան հայկական պատվիրակությունը մեկնում է Բաթում՝ շարունակելու բանակցությունները թուրքերի հետ:

1918 թ. հունիսի 4— Կրնքվում է Բաթումի հաշտության պայմանագիրը, որով թուրքերը ճանաչում են անկախ Հայաստանի պետությունը:

1918 թ. հունիսի 6— Քիֆլիսում Հայոց Ազգային Խորհուրդը (նախագահ՝ Ա. Ահարոնյան) ընտրում է Հայաստանի կառավարություն՝ Հ. Քաշաղնու նու վարչապետությամբ: Մինչև վերջիններիս երևան գալը (հունիսի վերջին) Հայաստանը կառավարվում է երևանի ազգային խորհրդի (նախագահ՝ Արամ Մանուկյան) և բանակի (ընդհանուր հրամանատար Գրաստամատ (Դրո) Կանայան) կողմից:

1918 թ. դեկտեմբեր— Տեղի է ունենում հայ-վրացական պատերազմ, միաժամանակ կառավարական մակարդակով բանակցություններ՝ սահմանների ճշգրտման շուրջ:

1919 թ. փետրվար— Քաշաղնու ու զլխավորությամբ հայոց պատվիրակությունը մեկնում է ԱՄՆ, վարչապետի տեղապահությունը վստահվում է Ալ. Խատիսյանին:

1919 թ. փետրվար—1920 թ. մայիս— Կառավարությունը արմատական բարեփոխումներ է ենթարկում Հայաստանի ներքին կյանքը, ստեղծվում է ազատ մամուլ, երդվյալների դատարան, ազատ քաղաքական կազմակերպություններ, գյուղացիական ու քաղաքային ազատ ինքնավարություններ, սկսում է գործել հստակ տրևտեսական համակարգ...

1919 թ. փետրվար— Երևանում տեղի է ունենում արևմտահայերի 2-րդ համագումարը, որը Արևմտյան Հայաստանը հռչակում է Հայաստանի Հանրապետության անբաժանելի մասը:

1919 թ. մարտ— Հայկական զորքերը զրավում են Կարսը, Սարիղամիշը, Մերզնենկը, Արգահանը:

1919 թ. մայիս— Հայկական զորքերը մտնում են Նախիջևնի:

1919 թ. մայիսի 28— Հայաստանի կառավարությունը հրապարակում է արևմտահայերի 2-րդ համագումարի որոշումից բխող հռչակագիր: